

BOSNA I HERCEGOVINA  
FEDERACIJA BOSNE I HERCEGOVINE  
UNSKO SANSKI KANTON  
GRAD BIHAĆ  
GRADONAČELNIK  
Služba za upravljanje lokalnim razvojem  
Savjet za ekonomski razvoj Grada Bihaća  
Bihać, 25.12.2017.godine

## **SAVJET ZA EKONOMSKI RAZVOJ GRADA BIHAĆA**

Zapisnik sa  
XI sjednice Savjeta za ekonomski razvoj Grada Bihaća

Na XI sjednici Savjeta za Ekonomski razvoj, održanoj dana 25.12.2017.godine u Gradskoj upravi Bihać - Sala Gradonačelnika s početkom u 12,00 sati. raspravljalo se o Planu kapitalnih investicija 2018-2020 i o stanju zaposlenosti na području Grada Bihaća.

### **D N E V N I R E D**

1. Realizacija zaključaka sa X sjednice Savjeta;
2. Program Kapitalnih Investicija Grada Bihaća za period 2018-2020.g.;
3. Izvod iz Informacije o stanju zaposlenosti na području Grada Bihaća s prijedlogom mjera za unapređenje stanja;
4. Prijedlog Programa rada Savjeta za ekonomski razvoj za 2018.godinu;
5. Ostala tekuća pitanja.

Prisutni na sastanku:

1. Smail Nuhic – d.o.o. Euroing, Predsjedavajući Savjeta
2. Nijaz Lipovača , Načelnik Službe – LER i koordinator rada Savjeta
3. Adem Ibrahimpašić – d.o.o. Pivovara Bihaća – član Savjeta
4. Emir Toromanović – JU Zavod za zapošljavanje USK
5. Šemsudin Bajrić – Predstavnik obrtnika
6. Jasmina Ibrahimpašić – Univerzitet u Bihaću
7. Muhamed Alijagić – Pogy d.o.o.
8. Enes Ružnić, Privredna komora USK
9. Enes Arapović, Obrtnička komora USK
10. Emir Pjanić, GTO d.o.o.
11. Amir Behić, Sanny boy d.o.o.
12. Ljubomir Samardžija, UG Čovjek i prirodni resursi

13. Ines Džaferović, Kostelski buk d.o.o
14. Jasmina Beširević – Služba za LER
15. Dino Čavkić, d.o.o. ČJ
16. Fadil Čavkić, d.o.o ČJ
17. Muhamed Felić, d.o.o. Grafičar
18. Damir Ruždijić, Tehnički sekretar Savjeta

- Sastanak otvara koordinator Savjeta gosp. Nijaz Lipovača, najavljuje tri tačke dnevnog reda i osvrće se na predhodnu sjednicu Savjeta i zaključke sa iste.
- Gđa Jasmina Beširević, u skladu s 1. Tačkom dnevnog reda, predstavlja Plan Kapitalnih investicija (PKI) koji treba da ide na usvajanje na GV, kako bi prisutni bili upoznati sa Planom i dali svoje komentare i sugestije na isti. Objasnjava proces i metodologiju kako se dolazi do konačnog PKI dokumenta i naglašava njegovu važnost za razvoj grada.
- Svi prisutni su dali svoje mišljenje na predstavljeni Plan, generalno se slažu sa istim ali smatraju da treba ubuduće još preciznije i bolje identificirati koji su to kapitalni Projekti važni za grad i koji će doprinjeti njegovom bržem razvoju.
- Adem Ibrahimpašić – d.o.o. Pivovara Bihaća.  
Smatra da bi svaki od predloženih projekata trebao da ima kompletiranu projektno-tehničku dokumentaciju kako bi uvijek bio spreman za realizaciju čim se iznađu sredstva za implementaciju. Pogrešno je da se kandidiraju projekti za koje treba prvo dosta vremena i novca utrošiti samo oko pribavljanja projektno tehničke dokumentacije i koji praktično nikakav potencijal nemaju bez izrađenog projekta.  
Svi su složili sa ovim prijedlogom i nastojace se ubuduće voditi računa o ovom.  
Gospodin Ibrahimpašić je takođe naglasio krucijalni značaj putne povezanosti Bihaća sa centralnim dijelom države i dalje prema istoku, te u prilog tome spomenuo najavu izgradnju auto-puta B. Novi – Doboj, gdje Bihać vidi svoju šansu.
- Gđa. Jamina Ibrahimpašić, pita šta se desilo sa ranije predloženim projektima za raniji PKI koji su kandidovani od strane univerziteta (start up, inkubatori i sl), gdje joj je gđa Beširević odgovorila kako se sadašnji PKI urađen po novoj metodologiji gdje se nalaze isključivo razvojni projekti koji imaju izuzetno visok značaj za razvoj grada i gdje su izgledna sredstva za njihovo financiranje. Ali da u svakom slučaju, grad ostaje i dalje otvoren za druge prijedloge.
- Gosp. Emir Toromanović, u skladu sa 2. Tačkom dnevnog reda predstavlja podatke sa Zavoda za zapošljavanje, aktivnosti koje Zavod provodi kako bi se smanjila nezaposlenost na ovom području i problemi sa kojima se susreću po pitanju masovnog odlaska mladih i stručnih kadrova iz našeg grada.

- Svi prisutni se slažu da se suočavamo sa ogromnim problemom odlaska mladih koji je za sad teško riješiti ali treba tražiti načine.  
S tim u vezi treba učiniti konkretne korake u poboljšanju stanja na području grada , kako bi se zaustavio masovni odlazak radno sposobnog stanovništva u zapadne zemlje. Otvorena je široka rasprava o uzrocima koji su doveli do te pojave gdje su prisutni složili da pored ekonomskog momenta odn dobre zarade u u državama EU, građanima takođe nedostaje kulturnih, sportkih i drugih društvenih aktivnosti koji su pored čisto ekonomskog, takođe važan aspekt zadovoljenja potreba svakog stanovnika grada Bihaća.
- Gosp. Nijaz Lipovača u skladu sa tačkom 3. Dnevnog reda, predstavlja Program rada Savjeta za 2018. godinu sa kojim su se članovi Savjeta složili i usvojili isti.

### **Zaključci sa XI sjednice Savjeta:**

1. Svi kandidirani projekti za PKI odn. svi razvojni projekti Grada Bihaća ubuduće moraju imati pripremljnu projektno-tehničku dokumentaciju kako bi bili raspoloživi za trenutnu implementaciju po iznalasku finansijskih sredstava.
2. Dostaviti članovima Savjeta prijedlog mjera za poboljšanje ekonomskog stanja u gradu Bihaću, na koji će oni dati svoje komentare, sugetije i vlastite prijedloge. Sve u cilju smanjenja masovnog odlaska radno sposobnog stanovništva u zapadne zemlje te održati tematsku sjednicu i pozvati sve relevantne institucije na kojoj bi se tražila rješenja za problem odlaska mladih i stručnih kadrova sa područja Grada Bihaća.
3. Usvojen od strane Savjeta Plan kapitalnih investicija 2018-2020. godina
4. Usvojen Program rada Savjeta za 2018. godinu.

Predsjednik Savjeta za ekonomski razvoj  
Grada Bihaća  
mr.sc. Smail Nuhić